

Na osnovu člana 89, 90, 91, 92, 93 Pravila Fakulteta sporta i tjelesnog odgoja (Prečišćeni tekst broj 01-2644/08) i Odluke o kriterijima i mjerilima za utvrđivanje redoslijeda prijema kandidata za upis u prvu godinu I ciklusa studija na visokoškolske ustanove Univerziteta u Sarajevu na prijedlog Nastavno-naučnog vijeća Fakulteta sporta i tjelesnog odgoja utvrđenog na sjednici održanoj 8.4.2013.godine broj:01-1290/13, na osnovu odluke Upravnog odbora Upravni odbor fakulteta sa sjednice održane 11.4.2013.godine i odluke Nastavno-naučnog vijeća fakulteta broj:01-1790/16 od 13.06.2016 godine sa sjednice održane 13.06.2016 godine, odluke NNV o izmjenama i dopunama Pravilnika broj:01-1844/17 od 17.5.2017. godine i odluke NNV broj:01- 2099/17 od 7.6.2017. godine donosi se :

PRAVILNIK O KRITERIJIMA I MJERILIMA ZA PROVOĐENJE PRIJEMNOG ISPITA I UPISA U PRVU GODINU PRVOG CIKLUSA STUDIJA NA FAKULTET SPORTA I TJELESNOG ODGOJA(prečišćeni tekst).

I. OSNOVNE ODREDBE

Član 1.

Ovim pravilnikom utvrđuju se kriteriji i mjerila za bodovanje i upis kandidata u prvu godinu I ciklusa studija na Fakultetu sporta i tjelesnog odgoja.

Član 2.

Pravo učešća na konkursu imaju državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini, kao i kandidati koji su srednju školu završili izvan Bosne i Hercegovine, a za koje je nakon postupka nostrifikacije, odnosno ekvivalencije utvrđeno da imaju završeno adekvatno obrazovanje za nastavak školovanja.

Izuzetno, kandidati koji su srednju školu završili izvan Bosne i Hercegovine imaju pravo učešća na konkursu i prije izvršene nostrifikacije, odnosno ekvivalencije svjedočanstva o završenom srednjem obrazovanju u inostranstvu, ali se u prvu godinu studija mogu upisati nakon izvršene nostrifikacije, odnosno ekvivalencije o završenom srednjem obrazovanju u inostranstvu, a najkasnije do početka školske godine.

Pravo učešća na Konkursu i polaganje prijemnog ispita imaju i kandidati sa završenom srednjom školom po programu IB međunarodne mature, s tim što su dužni dostaviti svjedočanstvo o završenoj srednjoj školi i prije početka upisa.

Prijem i upis studenata u prvu godinu studija provodi komisija formirana od strane Nastavno-naučnog vijeća fakulteta.

- II. OPŠTI SMIJER**, za školovanje kadrova koji nakon završenog obrazovanja u četverogodišnjem trajanju, VIII semestra, 240 ECTS kredita, stiču akademsku titulu i stručni naziv Bakalaureat/Bachelor sporta i tjelesnog odgoja.

Član 3.

Trajanje konkursa za upis u I godinu studija reguliše se konkursom koji raspisuje i objavljuje Univerzitet u Sarajevu.

Za prijavu na konkurs za upis u I godinu studija kandidat je dužan predati na Protokol Fakulteta slijedeće dokumente:

- Zahtjev za upis u kojem je tačno naznačen smijer za koji konkuriše
- Orginalne svjedodžbe o završenim razredima srednje škole završene u Bosni i Hercegovini u četverogodišnjem trajanju, odnosno odgovarajuće nostrificirane dokumente za kandidate koji srednju školu nisu završili u Bosni i Hercegovini,
- Orginalnu diplomu o završenoj srednjoj školi,
- Izvod iz matične knjige rođenih,
- Uvjerenje o državljanstvu i
- Ljekarsko uvjerenje o sposobnosti za ovaj studij (izdaje ga Zavod za zaštitu studenata Univerziteta u Sarajevu)
- Druge dokumente relevantne za utvrđivanje broja bodova po kriterijima.
- Značajna sportska priznanja (vrhunski rezultati, takmičenja srednjih škola na nivou države, entiteta, kantona i općine).

Prijave podnesene poslije utvrđenog roka, kao i nepotpune prijave neće se uzimati u razmatranje.

Član 4.

Upis kandidata vrši se na osnovu:

- Općeg uspjeha,
- Uspjeha iz maternjeg jezika, stranog jezika, tjelesnog odgoja i biologije (predmeti značajni za studij)
- Rezultata postignutih na prijemnom ispitu,
- Rezultata ostvarenih u vrhunskom sportu,
- „Posebnog priznanja ministra obrazovanja i nauke“, a za učenike iz drugih kantona sa prosjekom 5,0.

Bodovanje uspjeha iz srednje škole izračunava se prema Odluci o kriterijima i mjerilima za utvrđivanje redoslijeda prema kandidatima za upis u prvu godinu studija na visokoškolske ustanove Univerziteta u Sarajevu.

Član 5.

Rangiranje kandidata vrši se na osnovu ukupnog broja bodova dobivenih prema slijedećim kriterijima:

Opći kriterij odnose se na uspjeh postignut u srednjoj školi i iznosi maksimalno **20 bodova**, a utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa **4**.

Pojedinačni kriterij odnosi se na uspjeh ostavren iz četiri predmeta u četiri razreda srednje škole značajna za studij (MATERNJI JEZIK, STRANI JEZIK, BIOLOGIJA I TJELESNI ODGOJ) i iznosi maksimalno **40 bodova**, a utvrđuje se tako što se prosječna ocjena iz grupe ovih predmeta zaokruži na dvije decimale i pomnoži sa **8**.

Posebni kriterij odnosi se na : „posebno priznanje ministra obrazovanja i nauke“, a za učenike iz drugih kantona sa prosjekom 5,0., i po ovom osnovu kandidat dobija 5 bodova, za ostvarene rezultate u vrhunskom sportu može se dobiti maksimalno 5 bodova i broja bodova koje kandidat dobija po osnovu takmičenja navednih u članu 6.

Prijemni ispit na kojem kandidati mogu ostavriti maksimalno 40 bodova.

Član 6.

Način bodovanja općeg, pojedinačnog i posebnog kriterija.

Broj bodova po osnovu općeg kriterija, utvrđuje se tako što se prosječna ocjena iz svih predmeta u svim razredima, zaokruži na dvije decimale, pomnoži sa 4.

Broj bodova po osnovu pojedinačnog kriterija utvrđuje se tako što se prosječna ocjena iz grupe ovih predmeta zaokruži na dvije decimale i pomnoži sa 8 (MATERNJI JEZIK, STRANI JEZIK, TJELESNO ODGOJ I BIOLOGIJA).

Broj bodova po osnovu posebnog kriterija iznosi:

- 5 bodova za nosioca „ Posebnog priznanja“ koje dodjeljuje ministar obrazovanja i nauke, kao i kandidatima koji dolaze izvan KS, a u toku cjelokupnog srednjoškolskog obrazovanja su imali odličan (5) uspjeh iz svih nastavnih predmeta i primjereno vladanje.
- Rezultati ostavreni u vrhunskom sportu iz predmeta Curiculuma Fakulteta boduju se na slijedeći način.

Za jedno od osvojenih mjesta (prvo, drugo, treće) na Državnom prvenstvu Bosne i Hercegovine dobije se 1 bod.

Za jedno od osvojenih mjesta (prvo, drugo, treće) na međunarodnim takmičenjima, dobije se slijedeći broj bodova:

- za osvojeno 1-3 mjesto na Olimpijskim igrama mladih 5 bodova
- za osvojeno 1-3 mjesto na Svjetskom prvenstvu 4 boda
- za osvojeno 1-3 mjesto na Evropskom prvenstvu i na Evropskim olimpijskim igrama mladih 3 boda
- za osvojeno mjesto na Balkanskom prvenstvu 2 boda.

Član 7.

Prijemni ispit se organizuje prema kriterijima oglasa istaknutog na oglasnoj ploči i web stranici

Fakulteta.

Sadržaj prijemnog ispita je slijedeći:

1. Test opšte i sportske informisanosti
2. Test komunikacije
3. Test motoričkih sposobnosti i znanja – (Integralni poligon)
4. Procjena konstitucije i držanja tijela – (Status posture)

Član 8.

USLOVI I NAČIN BODOVANJA PRIJEMNOG ISPITA ZA OPĆI SMJER

Za prijemni ispit potrebno je:

- a) Lična karta (radi indentifikacije)
- b) Olovka
- c) Sportska oprema (sportski šorts, majica, patike, čarape)

USLOVI PRIJEMNOG ISPITA

- Kandidat/kandidatkinja može osvojiti maksimalno 40 bodova po osnovu prijemnog ispita.
- Ostvareni bodovi na prijemnom ispitu zbrajaju se sa ukupnim fondom bodova ostvarenih na osnovu ostalih kriterija.

NAZIV TESTOVA I NAČIN BODOVANJA

Tabelarni prikaz naziva testova i sadržaja bodovanja na prijemnom ispitu za svaki test		
R/B	Naziv testova	Bodovanje po testu
1.	Test opšte i sportske informisanosti	0 - 10 bodova
2.	Test komunikacije –(Intervju)	0 - 5 bodova
3.	Test motoričkih sposobnosti i znanja – (Integralni poligon)	0 - 20 bodova
4.	Procjena konstitucije i držanja tijela – (Status posture)	1 - 5 bodova

OBJAŠNJENJE I OPIS TESTOVA

Test opšte i sportske informisanosti

Kandidat/kandidatkinja na testu može osvojiti od 0 do 10 bodova. Test sadržava 20 pitanja iz oblasti opšte i sportske informisanosti. Test se radi pismeno ili putem organizovanog digitalnog testiranja. Za svaki tačan odgovor dodjeljuje se 0,5 bodova. Boduje se samo potpuno tačan odgovor. Pitanja su kreirana od strane komisije za prijemni ispit.

Test komunikacije – (Intervju)

Kandidat/kandidatkinja na testu može osvojiti od 0 do 5 bodova. Pitanja se odnose na oblasti: biografije kandidata, predhodnog obrazovanja, motiva za odabir fakulteta, vlastitih znanja i osobina. Sva pitanja se pročitaju, postave odjednom.

Kandidat/kandidatkinja odgovara na sva postavljena pitanja pri čemu ispitivač obraća posebnu pažnju na: redoslijed odgovora, tačnost odgovora, vremensku dinamiku odgovora, kulturu govora, komunikacijske vještine. Ispitivač može postaviti dopunska pitanja iz navedenih oblasti.

Nakon odgovora kandidata ispitivač dodjeljuje bodove:

- 0 – nezadovoljava, (nezadovoljava minimalne kriterije)
- 1 – loše, (zadovoljava minimalne kriterije)
- 2 – dovoljno, (općenito dobro, ali sa značajnim nedostacima)
- 3 – dobro, (prosječno izlaganje sa primjetnim greškama)
- 4 – vrlo dobro, (iznad prosjeka, sa ponekom greškom)
- 5 – odlično. (izuzetano, bez grešaka ili sa ponekom greškom)

Test motoričkih sposobnosti i znanja – (Integralni poligon)

Kandidat/kandidatkinja na testu može osvojiti od 0 do 20 bodova. Test motoričkih sposobnosti i znanja (integralni poligon) se izvodi u sportskoj dvorani, prostoru 40 metara dužine u 20 metara širine (rukometni teren, futsal teren). Potrebno je realizirati zadatke koje sadrži poligon za što kraće vrijeme, pravilno izvršavajući sve zadatke. Vrijeme se evidentira digitalnim putem pomoću foto ćelija (microgate photocell) koje su smještene na startu i na cilju. Ispitaniku se objasne i demonstriraju zadaci cjelokupnog poligona. Nakon toga se utvrdi redosljed izvođenja kandidata. Ukoliko kandidat pogriješi u izvođenju daje mu se druga ili treća prilika kada bude spreman, ukoliko i četvrti pokušaj bude s greškom, kandidat se diskvalifikuje sa upisom 0 bodova.

Postupak dodjele bodova se računa na sljedeći način:

1. Rezultati kandidata (muškaraca) i kandidatkinja (žena) tretiraju se u odvojenim matricama.
2. Vremenski rezultati se preračunaju u vrijeme iskazano u **stotim dijelovima sekunde** te se rangiraju od najboljeg do najlošijeg (obrnuta skala).
Formula: OS (Ostvareni rezultat) * 100

$$Rez = Os * 100$$

3. Izračuna se raspon rezultata
Formula: R (Raspon) = Nsr (Najslabiji rezultat) – Nbr (Najbolji rezultat)

$$R = Nsr - Nbr$$

4. Izračuna se bodovna vrijednost 1 stotinke unutar raspona rezultata.
Formula: Bs (Bodovna vrijednost) = 19 / R (Raspon)

$$Bs = 19/R$$

5. Najboljem rezultatu se dodijeli rezultat od 20 bodova
6. Svakom narednom rezultatu se dodjeljuje vrijednost bodova umanjena za preračunatu vremensku razliku (raspon) u odnosu na najbolji rezultat.
Formula: Broj bodova = 20 - (Vr (Vremenski rezultat) – Nbr (Najbolji rezultat)) x Bs (Bodovna vrijednost)

$$\text{Broj bodova} = 20 - (Vr - Nbr) * Bs$$

7. Za kandidatkinje (žene) uzima se raspon (R) rezultata kandidata (muškaraca).
Formula: Bs (Bodovna vrijednost) = 19 / R (Raspon) (muškaraca)

$$Bs = 19/R$$

8. Rangirani rezultati se boduju u rasponu skale od 1 (minimalno) - 20 (maksimalno) bodova za ostvareni rezultat.

Legenda:

- Os (Ostvareni rezultat)
- R (Raspon)
- Nsr (Najslabiji rezultat)
- Nbr (Najbolji rezultat)
- Bs (Bodovna vrijednost)
- R (Raspon)
- Vr (Vremenski rezultat)

Procjena konstitucije i držanja tijela – (Status posture)

Kandidat/kandidatkinja na testu može osvojiti od 1 do 5 bodova. Procjena konstitucije i držanja tijela se vrši po modifikovanoj Wolanski metodi valorizacije. Test se radi na dijagnostičkom aparatu Contemplas u 2D mode-u. Ispitivač procjenjuje konstituciju i držanje tijela kandidata/kandidatkinje i dodjeljuje bodove.

Član 9.

Pravo upisa na Opći smjer (240 ECTS-a) stiču samo oni kandidati koji ostavre najmanje 70 bodova.

III. SMIJER ZA ŠKOLOVANJE TRENERA I KADROVA ZA SPORT

- Menadžment u sportu
- Sport
- Sportska rekreacija
- Kondiciona priprema sportaša

Član 10.

Opći uvjeti za upis na Smjer za školovanje trenera i kadrova za sport:

1. Završena srednja škola u četverogodišnjem trajanju
2. Odgovarajući zdravstveni status
3. Položeni prijemni ispit

Član 11.

Pravo prijave na Konkurs za upis imaju kandidatikoji na Protokol Fakulteta podnese sljedeću dokumentaciju:

- Zahtjev za upis u kojem je tačno naznačen odsjek na koji konkuriše,
- Orginalne svjedodbe o završenim razredima srednje škole završene u Bosni i Hercegovini u četverogodišnjem trajanju, odnosno odgovarajuće nostrificirane dokumente za kandidate koji srednju školu nisu završili u Bosni i Hercegovini,
- Orginalnu diplomu o završenoj srednjoj školi,
- Izvod iz matične knjige rođenih
- Uvjerenje o državljanstvu
- Ljekarsko uvjerenje o podobnosti za ovaj studij
- Značajna sportska priznanja

Prijave podnesene poslije utvrđenog roka, kao i nepotpune prijave neće se uzimati u razmtranje.

Član 12.

Rangiranje kandidata vrši se na osnovu:

- Općeg uspjeha,
- Uspjeha iz maternjeg jezika, stranog jezika (predmeti značajni za studij)
- Rezultata postignutih na prijemnom ispitu,
- Rezultata ostvarenih u vrhunskom sportu
- „Posebnog priznanja“ ministara obrazovanja i nauke, a za učenike iz drugih kantona sa prosjekom 5,0

Član 13.

Prijemni ispit za upis kandidata za Smjer za školovanje trenera i kadrova za sport se organizira prema kriterijima oglasa istaknutog na oglasnoj ploči i web stranici Fakulteta. Sadržaj prijemnog ispita je sljedeći:

1. Test opšte informisanosti
2. Test sportske informisanosti
3. Test verbalne komunikacije

Test se radi u ovjerenom duplikatu od čega jedna kopija ostaje Fakultetu, a druga kandidatu. Ispravnost objavljenih rezultata provjere znanja kandidat dokazuje ovjerenim duplikatom.

Član 14.

Način bodovanja prijemnog ispita:

Na testu opšte informisanosti kandidati mogu osvojiti od 0-5 bodova.

Na testu opšte pismenosti kandidati mogu osvojiti od 0-5 bodova.

Na testu verbalne kandidati mogu osvojiti od 0-5 bodova.

Kandidati na prijemnom ispitu mogu ostvariti maksimalno 15 bodova.

Član 15.

Pravo upisa stiču samo oni kandidati koji u svakom pojedinačnom segmentu prijemnog ispita ostvare najmanje 50% bodova.

Član 16.

Bodovanje uspjeha iz srednje škole izračunava se prema Odluci o kriterijima i mjerilima za utvrđivanje redoslijeda prijema kandidata za upis u prvu godinu studija na visokoškolske ustanove Univerziteta u Sarjevu, bodovanje uspjeha iz maternjeg jezika, stranog jezika, (predmeti značajni za studij), rezultata ostvarenih u vrhunskom sportu, „posebnog priznanja ministra obrazovanja i nauke“, a za učenike iz drugih kantona sa prosjekom 5,0. vrši se po kriterijima koji se primjenju kod bodovanja za upis na osnovni studij.

IV. POSTUPAK PROVOĐENJA PRAVILNIKA, OBJAVLJIVANJE RANG LISTE KANDIDATA I UPIS KANDIDATA NA OSNOVNI STUDIJ I SMJER ZA ŠKOLOVANJE TRENERA I KADROVA ZA SPORT.

Član 17.

Postupak za provođenje ovog pravilnika provodi komisija za prijemni ispit koju imenuje Nastavno-naučno vijeće Fakulteta. Nakon provedene provjere, sačinjava se rang lista koja se potvrđuje na Nastavno-naučnom vijeću Fakulteta i objavljuje na oglasnoj ploči i web-stranici Fakulteta.

Član 18.

Nakon zbrajanja bodova, za svakog kandidata pojedinačno, po svim osnovama iz ove odluke, komisija sačinjava rang-listu svih kandidata i spisak primljenih kandidata na Opšti smjer i Smjer za školovanje trenera i kadrova za sport i oglašava ih na oglasnoj ploči i web stranici Fakulteta

nakon što ih usvoji Nastavno-naučno vijeće Fakulteta. Na objavljenu rang-listu kandidati mogu uložiti pismeni prigovor.

Nastavno-naučnom u roku od tri dana od dana objavljivanja liste. Nastavno-naučno je dužno da u roku od 3 (tri) dana odluči o prigovoru i o tome obavijesti kandidata.

Odluka Nastavno-naučnog vijeća Fakulteta je konačna.

Član 19.

Kandidati koji, u skladu sa Konkursom, budu primljeni na visokoškolsku ustanovu, za upis u prvu godinu studija, pored već predatih dokumenata, podnose:

- upisni, semestralni list i ŠV obrazac,
- upisnicu –indeks,
- podatke o zdravstvenom stanju – ljekarsko uvjerenje (izdaje ga Zavod za zaštitu zdravlja studenata Univerziteta u Sarajevu).

Pod jednakim uvjetima iz ovih Kriterija, prednost imaju:

- djeca boraca-branitelja BiH,
- djeca ratnih vojnih invalida,
- djeca šehida i poginulih i nestalih boraca – branitelja i umrlih ratnih vojnih invalida,
- djeca organizatora otpora,
- djeca veterana – prvoboraca i
- djeca nosilaca najviših ratnih priznanja (Čl. 1., 2.,5. i 24.

Zakona o dopunskim pravima boraca-branitelja BiH-prečišćeni tekst („Sl. novine Kantona Sarajevo“, broj 9/07)“;

IV. PRELAZNE I ZAVRŠNE ODREDBE

Član 20.

Pravilnik stupa na snagu danom usvajanja na sjednici Upravnog odbora fakulteta i bit će objavljen na glasnoj ploči i web stranici fakulteta. Usvajanjem ovog Pravilnika prestaje da važi Pravilnik o kriterijima i mjerilima za provođenje prijemnog ispita i upis u I godinu studija na FASTO-u broj:01-3041/08 od 25.6.2008. godine.

V.D. DEKANA FAKULTETA

Prof.dr Safet Kapo